

古農書

農學叢書彙刻總目

農政部

✓古農書輯佚

✓氣候教科書

✓農業津梁

✓小學農業教科

✓農業工學教科

✓農用器具學

✓農業綱要

✓農書

農藝化學實驗法

日本特許農具圖說

農業黴菌論

農事之友

農業博物教授及研究之準備

第五回內國勸業博覽會規則

麥作全書

日本製紙論

最新式製絲器械圖說

屑繭製絲法

肥料效用篇

湖北興農文牘

大阪府立農學校章程

陽春

南蠶

南澳

西樵

潮州

徐聞

古農書輯佚目錄

神農書一卷

野老一卷

范子計然三卷

養魚經一卷

尹都尉書一卷

汜勝之書二卷

蔡癸書一卷

養羊法一卷

家政法一卷

神農書一卷

八穀生長篇

禾生於粟出於上黨羊頭之山右谷中生七十日秀六十日熟凡一百三十日成忌

於寅卯

瞿曇悉達開元占經卷一百十一

黍生於榆出於大梁之山左谷中生六十日秀四十日熟凡一百日成忌於丑

同上

大豆生於槐出於沮石之山谷中九十日華六十日熟凡一百五十日成忌於卯

同上

小豆生於李出於農石之山谷中生六十日華五十日熟凡一百一十日成忌於卯

同上

稊生於楊出於農石之山谷中生七十日秀六十日熟凡一百三十日成忌於午

同上

蕎麥生於杏出於農石之山谷中生二十五日秀五十日熟凡七十五日成忌於子

同上

麻生於荆出於農石之山谷中生七十日秀六十日熟凡一百三十日成忌於未

辰亥日

同上

小麥生於桃出須石之山谷中生二百日秀六十日熟凡二百六十日成忌於子

同上

稻生於柳出於農石之山谷中生八十日秀七十日熟凡一百五十日成忌於亥

同上

五穀生長日種者多實以老死日種者無實又難生以忌日種之一人不實上同

禾生於巳疾於酉長於子老於戌惡於丙丁忌於寅卯上同

黍生於寅疾於午長於丙丁老於戌死於申惡於壬忌於丑上同

豆生於申疾於子長於壬老於丑惡於甲乙忌於丙丁上同

麥生於酉疾於卯長於辰老於午死於巳惡於戌忌於子上同

太歲在四孟葶藶子熟時可種禾豆夏至時百五十日地氣上時可種麥丑未辰戌

是也上同

太歲在四仲樵熟時可種禾豆夏至可種麥麻夏至後九十日地氣上可種麥子午

卯酉是也

太歲在四季以蠶臥起時可種禾豆夏至前五十日可種稻黍麻夏至後八十日地

氣上可種麥寅申巳亥是也上同

占篇

正月上朔有風雨三月穀貴石五百錢上同

八月有三卯麥大善無三卯麥不善上同

凡蟲食李則黍貴食棗栗貴食杏麥貴食荊麻貴食桑絲貴

正月上朔日風從東來植禾善風從南來植黍善風從北來種禾善四月四日風從東來植豆善西來四日至七日中善七日至十日種善十四日無風不可種豆從冬至日到來年滿六十日有大風雨折樹麥大善從平朔至食時植麥善至日中中麥善至日入種麥善常以夏至後九十日可種四月朔日風從東來從平明至辰時植麥善至日中中黍善至日入種黍善正月朔日入清明蠶善上同

正月有甲子糴初貴後賤上同

正月上辛溫者善風寒者不好上同

數篇

一穀不登減一穀穀之法什倍二穀不登減二穀穀之法再什倍夷疏滿之無食者子之陳無種者貸之新故無什倍之賈無倍稱之民管子輕重十一揆度第七十八引神農之數

法篇

丈夫丁壯而不耕天下有受其饑者婦人當年而不織天下有受其寒者呂氏春秋

當年而不耕者則天下或受其饑矣女有當年而不績者則天下或受其寒矣故天子親耕后妃親織以爲天下先論有

三句呂氏春秋作不貴難得之貨不器無用之物淮南子有是故其耕不强者無以故夫親耕妻親績不貴難得之貨不器無用之物此二句

養生其織不力者無以掉形劉子新論作是以其耕不強無以養其生其績不有餘力無以蓋其形後漢書注故上無是字論作衣

不足各歸其身

淮南子有此二句

衣食饒溢

劉子新論作足

姦邪不生安樂無事而天下均平

劉子新論

無而字

均作和智者無所施其策勇者無以行其威故衣食爲民之本而巧爲其末也

劉子新論

有此四句

○淮南子齊俗訓劉子新論貴農篇後漢書王符傳注引文子並作神農之法文句互有詳畧異同呂氏春秋愛類篇引首六句作神農之教

教篇

有石城十仞湯池百步帶甲百萬而無粟者不能守也

漢書食貨志引神農之教歐陽詢藝文類聚卷八十五昭

明文選

卷三十六王元長永明九年策秀才文李善注引記勝之書曰神農之教雖有石城湯池帶甲百萬而無粟者不能守也後漢書光武紀贊章懷太子注引無節

甲句脫有字而字

民爲邦本食爲民天農不正食不充民不正用不衷

羅泌路史後紀卷三炎帝神農氏紀引又設教曰云云案此見

三墳書神農政典篇本不足取徵羅氏引此文豐作充專作衷校三墳有異字或別據神農佚篇故僅取錄此節餘皆不錄

求雨篇

春夏雨日而不雨甲乙命爲青龍又爲火龍東方小童舞之丙丁不雨命爲赤龍南

方壯者舞之戊己不雨命爲黃龍壯者舞之庚辛不雨命爲白龍又爲火龍西方老

人舞之壬癸不雨命爲黑龍北方老人舞之如此不雨潛處闔南門置水其外開北

門取人臂埋之如此不雨命巫祝而曝之曝之

路史引不雨神山

路史記

積薪灑鼓

雜篇

夏曰成養

虞世南北堂書鈔卷一百五十四

湛濁爲地

藝文類聚卷六

冬至陰陽合精天地交讓天爲尸溼地爲不凍君爲不朝百官爲不親事不可出遊


必有憂悔

太平御覽卷二十八羅華路史注

承爲民賦二十而一

路史注

神農書一卷相傳炎帝神農氏撰案漢書藝文志農家神農二十篇兵陰陽家神農兵法一篇五行家神農大幽五行二十六卷雜占家神農教田相土耕種十四卷經方家神農黃帝食禁七卷神仙家神農雜子技道二十三卷其農家二十篇注六國時諸子疾時怠於農業道耕農事託之神農師古曰劉向別錄云疑李悝及商君所說由此類推凡志所載篇目大抵皆依附爲之今其書並佚考唐開元占經載有八穀生長一篇差爲完具又亟引神農占數節管子淮南子漢食貨志等書或引神農之法或引神農之教又藝文類聚引神農求雨書得有篇目可稱者凡六其他佚文散句時見傳注所引併據輯錄不可區分統入農家至他書所引食禁別採集與本草相次不錄於茲云慙城馬國翰竹吾甫



野老書二卷

上農篇

古先聖王之所以導其民者先務於農民農非徒爲地利也貴其志也民農則樸樸

則易用易用則邊境安主位尊

次易呂氏春秋舊本脫用字據太平御覽卷七十七補

民農則重重則少私義

少私義則公法立力專一民農則其產復

御覽復作厚亢倉子農道篇作復

其產復則重徙重徙則

死其處而無二慮民舍本而事末則不令不令則不可以守不可以戰民舍本而事

末則其產約其產約則輕遷徙輕遷徙則國家有患皆有遠志無居心民舍本而事

末則好智好智則多詐多詐則巧法令以是爲非以非爲是后稷曰所以務耕織者

以爲本教也是故天子親率諸侯耕帝籍田大夫士皆有功業是故當時之務農不

見于國以教民尊地產也后妃率九嬪蠶於郊桑於公田是以春秋冬夏皆有麻枲

絲繭之功以力婦教也是故丈夫不織而衣婦人不耕而食男女貿功以長生此聖

人之制也故敬時愛日非老不休非疾不息非死不舍上田夫食九人下田夫食五

人可以益不可以損一人治之十人食之六畜皆在其中矣此大任地之道也故當

時之務不興土功不作師徒庶人不冠弁娶妻嫁女享祀不酒醴聚衆農不上聞不

敢私籍於庸爲害於時也然後制野禁苟非同姓農不出御女不外嫁以安農也野

禁有五地未辟易不操麻不出糞齒年未長不敢爲園囿量力不足不敢渠地而耕
農不敢行賈不敢爲異事爲害於時也然後制四時之禁山不敢伐材下木澤人不
敢灰繆繅網置罾不敢出於門罟罾不敢入於淵澤非舟虞不敢緣名爲害其時也
若民不力田墨乃家畜國家難治三疑乃極是謂背本反則失毀其國凡民自七尺
以上屬諸三官農攻粟工攻器賈攻貨時事不共是謂大凶奪之以土功是謂積不
絕憂唯必喪其批奪之以水事是謂籥喪以繼樂四鄰乘虛奪之以兵事是謂厲禍
因胥歲不舉銓艾數奪民時大饑乃來野有寢禾或談或歌旦則有昏喪粟甚多皆
知其末莫知其本真

呂氏春秋
卷二十六

任地篇

后稷曰子能以窒爲突乎子能藏其惡而揖之以陰乎子能使吾土靖而剛浴士乎
子能使保溼安地而處乎子能使藿夷毋淫乎子能使子野盡爲冷風乎子能使藁
數節而莖堅乎子能使穗大而堅均乎子能使粟圓而糠薄乎子能使米多沃而食
之彊乎無之若何凡耕之大方力者欲柔柔者欲力息者欲勞勞者欲息棘者欲肥
肥者欲棘急者欲緩緩者欲急溼者欲燥燥者欲溼上田棄畝下田棄剛五耕五耨
必審以盡其深殖之度陰土必得大草不生又無螟蠹今茲美禾來茲美麥是以六

尺之耜所以成畝也其博八寸所以成畦也耨柄尺此其度也其耨六寸所以開稼也地可使肥又可使棘肥必以澤使苗堅而地隙人耨必以旱使地肥而緩草端大月冬至後五旬七日葛始生葛者百草之先生者也於是始耕孟夏之昔殺三葉而穫大麥徐堅初學記卷二十七引作孟夏之山百穀三葉而穫大麥日至苦菜死而資生而樹麻與菽此告民地寶盡死凡草生藏日中出稀首生而麥無葉而從事於蓄藏此告民究也五時見生而樹生見死而穫死天下時地生財不與民謀有年瘞土無年瘞土無失民時無使之治下知貧富利器皆時至而作渴時而止是以老弱之力可盡起其用日半其功可使僭不知事者時未至而逆之時既往而慕之當時而薄之使其民而鄰之民既鄰乃以良時慕此從事之下也操事則苦不知高下民乃逾處種稂禾不爲陸種重禾不爲重是以粟少而失功

同上

辯土篇

凡耕之道必始於壚爲其寡澤而後枯必厚其耨爲其唯厚而及螽者葑之堅者耕之澤其耨而後之上田則被其處下田則盡其汗無與三盜任地夫四序參發大畊小畝爲青魚肚苗若直獵地竊之也既種而無行耕而不長則苗相竊也弗除則蕪除之則虛則草竊之也故去此三盜者而後粟可多也所謂今之耕也營而無獲者

其蚤者先時晚者不及時寒暑不節稼及多苗實其爲晦也高而危則澤奪陂則埒見風則儼高培則拔寒則雕熱則脩一時而五六死故不能爲來不俱生而俱死虛稼先死衆盜乃竊望之似有餘就之則虛農夫知其田之易也不知其稼之疏而不適也知其田之際也不知其稼居地之虛也不除則蕪除之則虛此事之傷也故晦欲廣以平剛欲小以深

文選王元長策勸才文李善注引此深作清亢倉子作剛欲深以端

下得陰上得陽然後咸生

稼欲生於塵而殖於堅者慎其種勿使數亦無使疏於其施土無使不足亦無使有

餘熟有穰也必務其培其穰也植植者其生也必先其施土也均均者其生也必堅

是以晦廣以平則不喪本莖生於地者五分之以地莖生有行故邀長弱不相害故

邀大衡行必得縱行必行正其行通其風中央帥爲治風

文選注引作央必中央帥爲治風又引注

云必於苗中央帥師然肅冷風以搖長也

苗其弱也欲孤其長也欲相與居

賈思勰齊民要術引居作俱其熟也欲相

扶是故三以爲族乃多粟

亢倉子作稼乃多穀

凡禾之患不俱生而俱死是以先生者美米後

生者爲粃是故其耨也長其兄而去其弟樹肥無使扶疏樹境不欲專生而族居肥

而扶疏則多粃境而專居則多死不知稼者其耨也去其兄而養其弟不收其粟而

收其粃上下不安則禾多死厚土則孽不通薄土則蕃輻而不發壚埴冥色剛土柔

種免耕殺匿使農事得上同

審時篇

凡農之道厚之爲寶。斬木不時不折。必穗稼就而不穫。必遇天菑。夫嫁爲之者人也。

生之者地也。養之者天也。是以人嫁之容足。耨之容耨。據之容手。凡倉子作耨之此容耨之容手。

之謂耕道。是故得時之禾長。稠長穗。大本而莖殺。疏穢而穗大。其粟圓而薄糠。其米

多沃而食之彊。如此者不風。先時者莖葉帶芒。以短衡穗鉅而芳奪。秔米而不香。後

時者莖葉帶芒而末衡。凡倉子末作小莖。穗闊而青零。凡倉子多批而不滿得時之黍。芒莖

而微下。穗芒以長。凡倉子穗下有字。搏米而薄糠。春之易而食之不噉而香。如此者不飢。凡倉子

卷八百四十先時者大本而華。莖殺而不遂。葉蔓短穗。御覽依葉高。後時者小莖而麻長。

短穗而厚糠。小米鉗而不香。御覽作米。注云。今新也。得時之稻大本而莖葆長。稠疏穢穗如馬

尾。大粒無芒。搏米而薄糠。春之易而食之香。如此者不益。御覽卷八百二十九益作蘇。先時者本

大而莖葉格對。短稠短穗。多批厚糠。薄米多芒。後時者纖莖而不滋。厚糠多批。徒辟

米不得時。御覽無徒字。定熟叩天而死。得時之麻必芒。以長疏節而色陽。小本而莖堅厚。

梟以均。後熟多榮。日夜分復生。如此者不蟬。得時之菽長莖而短足。其莢。舊說作美。

御覽改正。二七以爲族。多枝數節。競葉蕃實。大菽則圓。小菽則搏。以芳稱之。重食之息。以

香。如此者不蟲。先時者必長。以蔓浮葉疏節。小莢不實。後時者短莖疏節。本虛不實。

得時之麥，稠長而頸黑，二七以爲行，而服薄糕，而赤色，稱之重食之，致香以息，使人肌澤且有力。如此者，不蚰蛆。先時者，暑雨未至，肘動蚰蛆而多疾。其次，羊以節，後時者，弱苗而穗蒼，狼薄色而美芒，是故得時之稼興，失時之稼約。莖相若，稱之得時者，重粟之多量，粟相若而舂之，得時者多米量，米相若而食之，得時者忍饑，是故得時之稼，其臭香，其味甘，其氣章，百日食之，耳目聰明，心意叡智，四衛變彊，殞氣不入身，無苛殃。黃帝曰：四時之不正也，正五穀而已矣。同上

野老書一卷，撰人名氏闕。案漢志：農家有野老十七篇。注：六國時在齊楚間，應邵曰：年老居田野，相民耕種，故號野老。隋唐志皆不著錄。書佚已久。攷呂氏春秋載上農任地，辯土審時四篇。家宛斯先生繹史云：蓋古農家野老之言，而呂子述之。茲據補錄書中，稱后稷語古農精微，其論得時失時形色情狀，洵非老農不能道。以此勞民勸相，洵堪矜式。宜呂氏賓客取載多篇，與周公月令相輔而行也。歷城馬國翰竹吾甫。